

MYTTON (neu MITTON), THOMAS (1608 - 1656), Halston, gerllaw Croesoswallt, un o brif swyddogion byddin plaid y Senedd

Enw: Thomas Mytton
Dyddiad geni: 1608
Dyddiad marw: 1656
Priod: Margaret Mytton (née Napier)
Rhiant: Margaret Mytton (née Owen)
Rhiant: Richard Mytton
Rhyw: Gwryw
Galwedigaeth: un o brif swyddogion byddin plaid y Senedd
Cartref: Halston
Maes gweithgaredd: Milwrol; Gwleidyddiaeth a Mudiadau Gwleidyddol
Awdur: Arthur Herbert Dodd

Hanoedd o hen deulu, dinasyddion yn Amwythig, a oedd wedi casglu ynghyd nifer o stadau trwy briodi aelodau o hen deuluoedd tiriog Sir Amwythig. Trwy un o'r priodasau hyn, yn gymnar yn y 15fed ganrif, daeth y teulu'n arglwyddiaid etifeddol Mawddwy, a chafodd Halston, cartref y teulu, gan hendaid Thomas Mytton trwy gyfnwid. Ymbriododd ei dad, Richard Mytton, â Margaret, merch Thomas Owen (barnwr yn llys y 'Common Pleas' ac aelod o Gyngor y Goror yn Llwydlo) a chwaer Syr Roger Owen, a symudwyd oddi ar fainc yr ynadon dros Sir Amwythig yn y flwyddyn 1614 am ei ran gyda Phiwritaniaid eraill yn yr wrthblaid yn Seneddau Iago I.

Addysgwyd Thomas yng Ngholeg Balliol, Rhydychen, 1615, ac yn Lincolns Inn, 1616. Yn 1629 priododd Margaret, ferch Syr Robert Napier, Luton, a chwaer-yng-nghyfraith **Syr Thomas Myddelton** (1586 - 1667); nid oes eisiau awgrymu, fel y gwnaethpwyd yn *D.N.B.*, fod ei gydymdeimlad â phlaid y Senedd yn tarddu o'r ffynhonnell hon - o gofio cymaint cryfder y teimlad Piwritanaidd o gylch Croesoswallt ac yn rheulu ei fam. Pan dorodd y Rhyfel Cartrefol, rhoddwyd iddo radd cynol ym myddin y Senedd; bu ar gyrch llwyddiannus ar ffiniau siroedd Amwythig a Dinbych, gan lwyddo i gymryd Wem (11 Medi 1643), Croesoswallt (23 Mehefin 1644), ac, yn nes ymlaen, dref Amwythig (22 Chwefror 1645). Ar 12 Mai 1645 fe'i dewiswyd i ddilyn **Syr Thomas Myddelton** yn brif bennaeth y byddinoedd yng Ngogledd Cymru, a rhoddi iddo radd cadfridog; wedi iddo lwyddo i rwystro'r ymdrech i gael Caer yn rhydd o'i gwarchae (trwy orchfygu Syr William Vaughan gerllaw Dinbych, 1 Rhagfyr 1645), gorchfygodd y naill ar ôl y llall o'r gwarchodluoedd brenhinol: Rhuthyn, Caernarfon, Biwmares, Conwy, Dinbych (1646), Holt, a Harlech (1647), ac felly llwyddodd i gwplâu'r gwaith o ddod â Gogledd Cymru dan reolaeth plaid y Senedd. Ar 30 Rhagfyr 1647 rhoddwyd iddo £5,000 a gymerasid o stadau rhai a gyfrifasid yn 'delinquents' a chafodd hefyd y swydd o is-lyngesydd Gogledd Cymru. Yn yr ail Ryfel Cartrefol llwyddodd i ladd gwrthryfel **Syr John Owen** yn ei ddechreuad bron, gan ei orchfygu ef mewn ysgarmes ar lan y môr yn y Dalar Hir, Llandegai (5 Mehefin 1648), a dyfod â sir Fôn dan oruchafiaeth ar ôl ailgymryd castell Biwmares (2 Hydref 1648). Ar 25 Mehefin 1651 rhoddwyd ef ar yr uchel lys barn a drefnwyd gan Senedd y 'Rump' i brofi'r 'delinquents'; yr un flwyddyn yr oedd yn aelod o'r llys milwrol ('court martial') yng Nghaer a gondeiniodd iarl Derby. O 1647 hyd 1652 gwasnaethai'n aml fel comisiynwr trethi'r Llywodraeth a chomisiynwr y milisia yn siroedd Gogledd Cymru. Bu'n cynrychioli sir Amwythig yn Senedd gyntaf y Protectorate ' (1654), ac yr oedd yn gomisiynwr sirol yno at bwrpas treth y ddegfed ('the decimation tax') ym mis Rhagfyr 1655. Bu farw ym mis Tachwedd y flwyddyn ddilynol. Y mae ei lythyrau yn awgrymu gŵr o anianawd ddyngarol a charedig, a dywed yr **archesgob John Williams** ei fod yn 'well-beloved' yng Ngogledd Cymru (*Cal. Wynn Papers*, 1834); eithr y mae'r modd y triniodd garcharorion Gwyddelig a gymerwyd yng Nghonwy yn staen ar ei gymeriad.

Daeth cangen arall o'r teulu, yn disgyn o frawd iau hendaid Thomas Mytton, i feddu tiroedd yn Sir Drefaldwyn; ymbriododd gyda theulu **Devereux** o'r Faenor, a sefydlu teulu Mytton, Garth.

Awdur

Yr Athro Emeritus Arthur Herbert Dodd, (1891 - 1975)

Ffynonellau

Collections Historical and Archaeological relating to Montgomeryshire, vii, 353-76; viii, 157-72, 293-312; xxiv, 277 ff.

Oxford Dictionary of National Biography

Cambrian Quarterly Magazine (1829â€"33), i, 60-74

Archaeologia Cambrensis, IV, vi, 203, and 1917 supplement., 295-300

Bye-Gones, relating to Wales and the Border Counties, 1889-90, 1893-4, 1913-5, 1916-8

Reports of the Historical Manuscripts Commission, 4th R., 264-9, 343; 5th R., 104, 151; 6th R., 59, 78, 80, 84, 87, 99, 472; 10th R., vi, 156; 12th R., ix, 39-41; Portland, i, 157-476; Cal. Egmont MSS., i,359-61, 450-1

N.L.W. *Llawysgrifau Brogyntyn yn Llyfrgell Genedlaethol Cymru, Aberystwyth* and *Llawysgrifau Carreglwyd yn Llyfrgell Genedlaethol Cymru, Aberystwyth*, *Llawysgrifau Sweeney Hall yn Llyfrgell Genedlaethol Cymru* A1, *Llawysgrifau Carreglwyd yn Llyfrgell Genedlaethol Cymru, Aberystwyth* ii, 242, 572, *Catalogue of tracts of the Civil War and Commonwealth period relating to Wales and the Borders*, National Library of Wales (Aberystwyth 1911), a *Calendar of Wynn (of Gwydir) Papers, 1515â€"1690*, in the National Library of Wales and elsewhere

U.C.N.W.,*Llawysgrifau Baron Hill yn Llyfrgell Coleg y Gogledd, Bangor*

The Journals of the House of Commons, iv - vii

The Journals of the House of Lords, vii-x

Firth a Rait, *Acts and Ordinances of the Interregnum, 1642â€"1660* (London 1911)

John Roland Phillips, *Memoirs of the Civil War in Wales and the Marches, 1642â€"1649* (London 1874)

W. J. Farrow, *The Great Civil War in Shropshire (1642-49)* (Shrewsbury 1926)

R. H. Morris, *The Siege of Chester, 1643â€"1646* (Chester 1924)

Thomas Pennant, *A Tour (Tours) in [North] Wales* (arg. 1883), iii. 359-66

J. F. Rees, *Studies in Welsh History collected papers, lectures and reviews* (Caerdydd 1947), 107-11, 115-8

T. B. Howells, *A Complete Collection of State Trials* â€"; (1816â€"98), v, 294

Dolenni Ychwanegol

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/>

PDF Argraffu Cyfeirnod

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n tudalen codi arian am ragor o wybodaeth.



Arddull APA



Dodd, A. H., (1953). MYTTON (neu MITTON), THOMAS (1608 - 1656), Halston, gerllaw Croesoswallt, un o brif swyddogion byddin plaid y Senedd. Y *Bywgraffiadur Cymreig*. Adferwyd 13 Tac 2024, o <https://bywgraffiadur.cymru/article/c-MYTT-THO-1597>

Yr Eiddo

Preifatrwydd a Chwcis
Hawlfraint
Y Prosiect
Cymorth
Cysylltu

LGC
NLW

LLYFRGELL
THE NATION



Wedi'i gynnal gan
Llywodraeth Cymru
Sponsored by
Welsh Government